

簡易集六

廿九

~ 20  
2462  
6



和  
27976

2462  
6

簡易文集卷之六目錄

簡易書齋

焦尾錄

丁丑行錄

辛巳行錄

分津錄

晉陽錄

扈行錄

亂後錄

癸巳行錄

金澤

金澤

簡易文集卷之六

焦尾錄

頗取少時雜述焚棄之而存其什一  
名曰焦尾後於兵火以其簡故毋失  
豈或偶然之數耶

次李文順井中月韻 童子時作

僧去汲井水和月滿盃中入寺無所見方知  
色是空

題青山白雲圖

山色晴更佳白雲生不已結廬依長松定是



陶居士居士自怡悅何人持到此

縣齋春後 長調三首

一病春仍盡專城况已微杜鵑啼款款道我不如歸

送舟師將柳豐川下海

吾义城外三聲角大小青南萬里天太守臨汀樽有酒將軍入島海無烟大青小青皆島名

白沙汀

入東文選

誰搏成績聚復散費鋪張如白鷗輕薄著明月眇茫揮紈渾失扇酌玉却迷觴莫恠松鬢

別還能似我蒼

醉河大而墓

入東文選

伐木丁丁山鳥悲獨來懸劍向何枝才名不救當時謗交道還應入地知瀛海別回為此別驛亭詩後更無詩平生得酒須皆醉倘省雲床奠一卮

松風亭翻歌

龔律四首

人言山上小亭好雪月之時烟雨中太守前身陶處士誅茅搃為愛松風

詠亭箔

水色山光滿箔輕箔頭山翠送新晴却有亭  
前垂箔後隔城煙火不分明

北溪記遊

葉寺遊西澗花山宴北溪三仙元作伴二客  
復相携酒欠流觴飲詩添筒棹題新歡兼舊  
話不覺夕陽低

葉寺九月山之具葉

恠石

窓間一蟲懸目定車輪大自我得此石不向  
花山坐

次韻文殊僧卷

八東文選

文殊路已十年迷有夢猶尋北郭西萬壑倚  
筇雲遠近千峯開戶月高低磬殘石竇晨泉  
滴燈剪松風夜鹿啼此况共僧那再得官街  
七月困泥蹄

題僧卷

小爽芭蕉雨輕薰函箔風吾堂無俗物暑汝  
話山中

僧靈秀卷

每少夜著亦止於此  
中年尚見此無如此

蒼遶可憶開天寺我與禪師俱少年今日相  
看真一鏡面顏生皺不堪憐

送全羅沈監司方叔

公以玄琴一張自隨而行

雙節按南服隨以一張琴知公欲少事毋與  
吏職侵咨詢足餘是理此甘棠陰還識琴法  
無請公聽我吟躁心生促節和氣在稀音膠  
柱見良感改絃思貴深不及琴亦成歸來觀  
聖明南風歌正義莫使無人賡

送黃言哉

奏請書狀官

憶昔朝

天日關口見煙花

皇州到即晚

綠樹空復多計君今日行正春滯玉河紅靄  
映遊騎香塵迷退衙人文與時物一倍麗中

華焚我紀行編須君快詩哦

仁聖王后挽詞二首

德並

春宮毓光隨

日御昇孔仁暮月效

周亂婦人能

長樂哀何已

重華孝可憑

奉伸餘憾盡歸告

玉欄凭

人間正嬰慕

天上忽雲乘吉仗交函使新

陵合舊

陵 徽音終不忘

美謚復堪徵

盛事勞何有臣惟淚滿膺

次韻書情

百謗叢中白髮生當幸休道狀元榮文雖伏

世還無用學不如人敢近名黠小癡多供俗  
具憂先樂後事君情窮通會有天工在自  
愛平生一字誠

題監察軸

宮槐遙映陌府柏迥含風霧應晨衙淨塵隨  
晚辟空分司俄散多合契忽聯驄把酒清還  
厲相看畫圖中

題禁府郎軸

金吾當世選王汝盡儒流圓土草仍合方池  
荷稍浮襟期相與靜袂事正堪脩面目丹青

裏何時有罷休

題宣傳官軸

地禁周廬右才難武弁英 君王得安寢士  
卒盡知名閱角聊高會銜杯且太平丁寧休  
浪迹一幅是長城

送 聖節使尹同知敬脩

時議須公復度支才難專使且推宜肯驚中  
歲四千里正試平生三百詩喜雨初程終帶  
淖朝 天快路却穿危丁寧行李加珍重莫  
使歸來暫後期

送趙德夫書狀官

東華各凋鬢南省始披顏得我入言外了君  
杯酒間過逢何必數早晚得俱閑忽作天西  
去那堪月六彎榮知朝象魏苦想鎖烏蠻  
館學北魚千里觀周豹一斑泥深遼右野雪  
重薊門山此役嘗偏熟離懷為倍潛

送江原柳監司年丈

每送東遊客名區引興長山多不死藥海有  
相扶桑日月生簾几神仙接袂裳觀風况行  
色愧殺未春糧

送忠清李監司大仲

憶曾同榜日各是少年人按海癯仍吏巡湖  
祿未民事隨顏髮改愁為別離新前期造化  
在何處共風塵李按西海時吾守載寧病不  
聽去清之溫陽吾妻鄉也

送李平卿令公冬至使

竒遊已再此行添厭飲如君笑我廉觀海亭  
前觀地盡望京樓上望鄉兼朝廷禮讓三千  
富市井芬華億萬織最是經過洗心處祠閣  
清聖聳雙瞻

哭申損菴先生



藉甚當年席上珍文章勲業不相因波瀾衮  
衮常驚世步武循循獨後人帝叱六丁金橐  
化官欺四壁一生貧聞玄敢道侯芭在相送  
南陽淚滿巾申公文橐嘗為私帶失火灰燼

元正洞文挽章

氣槩非時輩瓊竒疾細妍榮彫終得壽與奪  
只關天步武金閨日飛騰玉塞年後生多不  
識纔比隔陳編元以削勲例改堂上資

哭表兄尹生

五十二年事尋常自計違讀書徒不稼燈食

却無衣孝義名誰薦風流賞亦稀弟兄情獨

至牽緋淚雙揮

題僧卷

朴思春相公教送屬首題於余及白玉峯彭卿云

台務閑時雙翠堂僧來乞句不曾妨却教城  
市尋崔白草木元因造化光

題石陽正仲燮墨竹八幅

新竹

大竹猶蒼錦小竹已抽玉拂雲故在遲肯數

出牆綠

綿竹

簡易集六  
年來顏養竹羨者尤難活綿竹君莫輕歲寒  
不能殺

嫩竹

畫人阿堵難畫竹葉難似君家一幅嫩一洗  
凡畫史

露竹

露滴看不見竹垂覺露壓幽人遽拂拭欲試  
丹鉛法

風竹

平居此君在後道故人来閉戶真相對清塵

生古苔

雨竹

向來筠粉態猶汚乃家清一雨應王汝從教  
太瘦生

枯竹

擢筍進成榦及茲稍欲病君看衛武公九十  
猶箴儆

雪竹

人愛寫花木君獨愛此物此物元自寒配之  
石上雪

次韻題道峯書院道峯之名初以  
榮辱新規與舊基道峯終覺設名奇巖巖秀  
色當空聳活活寒流不整衰揭妥前賢森陟  
降歲備後學謹微危幔亭異迹輸精舍今見  
吾東一武夷

送中正郎叔正再赴京師

我昔五載再朝周君今重遊隔幾秋京口煙  
花偶一值薊門寒暑定同愁清風纚纚孤竹  
廟紫氣浮浮丹鳳樓行況想來多是快壯年  
筋力肯分留

直廬偶賦

事主身微不費心一年眠食直廬深偶然  
檢得秋風後鏡裏霜華半不禁

南原廣寒樓次韻

不恠便登天上樓牽牛人亦河之頭兔蟾終  
古說疑似烏鵲即今功已收紅妓應因竊藥  
至盡船故替乘槎遊年來五馬興全盡只有  
茲州還可求

假直騎省無聊中偶占近體一首呈曹

長黃長溪求禱

歸從嶺徼鬢成銀  
扈衛當年似隔塵  
時縱好文寧恥武  
士於知己得言貧  
非關校尉須厨酒  
可奈將軍只告身  
今日兩銓牽補甚  
未妨閑地與閑人

時以晉州故住祿

酬回柳承旨晦夫和章疊韻

下同

風疑是玉露疑銀  
松為遙瞻地絕塵  
咳唾落空還不隔  
珠璣充贈佐吾貧  
朝簷對嶽雲侵座  
夕杖穿松露滴身  
應識此間猶世外  
擬連詩什詫餘人

時直北所

直中書懷

帶圍寬甚欲焚銀  
羸馬猶衝街上塵  
誰果憂民如已病  
我蓄事主為家貧  
江山每屬無詩客  
釣稼多名未隱身  
張翰陶潛歸去得  
古人稱達况今人

謝柳承旨簡問

河漢難通一帶銀  
意中時肯逮音塵  
誰能學並盧王富  
直許交如管鮑貧  
戲處聊爭七字句  
風期共有百年身  
平生只解藏吾拙  
屢發端逢悅己人

為高山君次快勝亭燕集諸公詩韻二

首

相公亭子架巖新  
鷗鳥忘機自水濱  
藉甚當時功在國  
蕭然退處思離塵  
琴樽日月同諸老  
帶礪河山第一春  
可笑平泉非遠業  
區區花石怕輸人

境合經營世莫干  
居然雞犬逐劉安  
龍膏作酒樓成落  
鳳管臨風座上寒  
收拾笑談皆秀句  
流傳音蜀得深慳  
似聞形在凌煙閣  
要拂丹青子細看

題青山白雲圖二首

青山冉冉白雲生  
萬壑千巖一帶橫  
濃淡即知非雨事  
吐吞翻恐有濤聲  
坤靈意在新呈露  
氣母功尋始混成  
向使陶翁解揮灑  
那禁持此贈君情

看山更好被雲遮  
忽漫逢疑曉夢和  
秀氣全時渾帶濕  
晴光切處稍成霞  
蕊籠擁岸知林近  
縹緲浮村覺水多  
何許真藏如許境  
白頭乘興欲移家

韓景洪示滕北海季連送到琳宮雅集  
仍索次韻分得黎秘書凡表詩

也沒塵埃也沒苔青瑤白玉做樓臺火殘藥  
竈丹應化陰轉松壇鶴未迴洞府堪逃三伏  
暑仙家肯借九霄杯吾曹不是俱蟬蛻四海  
誰教一席來

次韻奉息寺住持卷二首

上相從容待 九天故園無恙海鷗邊高情  
幾被僧談誤輕却安危繫暮年

鄉之意  
幾平聲

鶯溪元韻有  
因僧談憶海

梅花樹北小堂中一宿應教百念空還羨儀  
曹幹事至淡旬燈為讀書紅

申正郎光弼以  
董從園陵來宿

易次

金剛仙種世難看移入銀臺傍玉欄名著萬  
年知耐久色同四節見凌寒盤根屈幹添人  
巧細葉低枝接地團想得清宵香更別一庭  
皎月露漙漙

四季花

千紅萬紫整時妍誰似茲花四季連馥馥幽  
香晴更烈娟娟秀色晚偏鮮人間有地留春  
事天上無端降女仙奇品不登中國譜莫言  
佳句昔人專

老松

曲榦樛枝儘自然奇姿應選泰山巔色貞堪  
賞後彫質氣古難知初種年寒影踈分階上  
月清聲細帶石間泉晴窓剩對成弘景始覺  
銀臺有地仙

烏竹

種出猗猗竹數竿世間殊品是烏斑不應京  
國緇塵化真作湘靈苦淚乾冒雪青青陰未  
慘含風瀝瀝夏猶寒人生果有揚州鶴長對  
此君還好官

紅蓮

亦有

送謝 恩兼陳奏使申聖與公

自古難專使今兼二事行誦詩聞魯國觀樂  
入周京去興煙花重歸情暑雨輕同僚留扈  
衛最識戀 君誠

拾遺

銀臺二十詠已未春有直赴 殿試之  
命于時以新 恩故注書李青蓮公出  
題韻令急製以呈

恠石

雲根誰拔海中潛刻削應經鬼劍銛藉玉盛  
盆三徑裏當軒對榻一峯尖苔痕幽處欲烟  
起水脉上時成雨沾也為仙官清案牘長教  
爽氣透疎簾

枯木

崢嶸枯幹尚強堅為有蟠根未斷泉地下玄  
龜應已化人間白首得相傳曾將傑氣凌千  
仞不復春心在一邊苔蘚作花蘿作葉還知  
造物未終捐

萬年香

俗稱萬年松  
實香木之類

蓮生依水水依盆數朶朱華錦繡翻嫩色迎  
人看欲語輕香惹日氣生暄渾疑醉著六郎  
面又恐招還西子魂晚節真逢傾國艷春來  
滿眼不堪論

白蓮

紅蓮爭似白蓮葩皓色鮮明映淺沙神女水  
中移玉佩姮娥天上墜瑤釵初秋月露仍添  
潔一點塵泥未敢加千古殷勤周茂叔也將  
何意愛茲花

海榴



異種來經大海濤，托根真界亦奇遭。丹鬚細  
接丹葩嫩翠葉，繁縈翠幹高翰苑。孤叢休道  
少香山，妙句自堪褒。不徒花好仍佳實，畢竟  
與臺李與桃。

石榴

胭脂奇莫滿層枝，也是山花底得移。來自天  
台最高處，開當杜宇正啼時。紅裙絳綵真堪  
喻，夜月東風幾入詩。看取茲花金作帶，他年  
符應屬他誰。

瑞香花

種出廬山問幾年，花開臆後是梅前。天香國  
色誰堪賞，金闕銀臺別有仙。移榻近階邀馥  
馥，捲簾當戶看娟娟。偏知物與人相似，沾彼  
恩光雨露邊。

洞庭橘

此物種核  
而時去生

后皇嘉樹限南荒，每恨東人鮮得嘗。金顆初  
承蓬殿賜，瑀盤猶滿洞庭香。剖來取核思移  
種，埋了盈盆置向陽。天為仁人私造化，青林  
他日蔽前墻。

蒼蒲

對却盆蒲意自幽綠叢脩葉弄輕柔看宜獵  
獵輕風夕聽愛冷冷急雨秋不變雪霜寥子  
頌同盟泉石謝公謳終然豈止庭階玩掬服  
令人不白頭

浮萍

汎汎紛紛點綠漪閑時看作一般奇遮來似  
為藏魚躍約去如知避鳥窺只是無心浮更  
泊何曾有迹合還離憑君擬却虛舟說身是  
浮萍世是池

楓

誰栽楓樹向仙庭作意偏教近北廳每泊晴  
蟾層影落時留過鳥好音聆秋憐亂葉經霜  
赤夏愛繁枝蔽日青天上官清應剩暇尋詩  
為尔倚風櫺

梨

高梨一樹政夭夭特地栽培雨露饒開作好  
花是香雪結成珠實即含消佳名大谷傳宜  
並異種瑤池降想遙清切侍臣多道骨摘嘗  
應彼上親燒

木登檠

斷木為檠數尺強長於短者短於長未宜人  
世照塵席故與地仙親筆床中夜急書綸綍  
字小明常敵日星光從天縱賜金蓮燭忍  
使功多怨棄墻

銅盥盆

非云汝美稱賢心質取無文量取深能潔未  
應嫌有臭自新何必待為箴趁朝起處常先  
近從古傳來不但今宸殿唾壺無過濼侍  
臣終敢易銀金

石鼎

頭容菌蠢腹膨膨山骨誰將斲得成也為烹  
茶兼煮藥應嫌鐵濕與銅腥薛文乾處似訛  
篆泉響沸時如亂笙此日聯詩賢輩在調羹  
終要道施行

地爐

為爐因地坎然幽巧冶無功定覺蓄自有典  
形安鼎鉉能當焦爛受薪極冬親夏遠情雖  
異暮擬朝燃用不休近侍何人能撥火却吹  
餘爇遍蒼丘

丁丑行錄

滿月臺次韻

故國鴉爭集空城鶴幾回東風臨逝水落日  
上荒臺形勝不曾改興亡誰使莠從來多古  
意欲去更徘徊

平山道中次韻

穿雲路盡復鳴灘縱是嚴程興亦漫午渴初  
開玉溜水晚醺全失翠屏山文章不必三都  
左道學難幾一卷顏幸有平生四方志今年  
半擬在征鞍

栽松道中次韻

中和向箕壤五十里來程廣陌如繩直長林  
似幄平餘寒猶雪意著物已春情風雅言時  
候由來記遠征

百祥樓次韻

城上高樓壓水潯清波百尺漾層陰自非仙  
骨那能駐縱有新詩未敢吟天低西北歸程  
筭地阻東南去國心客况春寒共悄悄一壺  
新綠且須斟

次韻士純林畔記夢之作

人事見於夢厥類何翹千或因著心曲或因

交目前或方來在後或已往在先誰能識端倪欲詰誠眇繇今君貳膺使逝將朝日邊雖有八十親不得為遲遭道途與光陰相爭若垂泉如何息偃頃侍疾復喜痊豈解地脉縮非借葉舟扁只是一場夢依然鄉井煙覺來忽驚疑作詩形憂煎吾謂此宜尔夢故随心遷至孝愛常切高年疾易愆一自拜辭來音信無人傳通昔不能卧假寐事相緣無妄豈災崇神明佑壽賢九夢一曰思蓋嘗稽諸編顧吾靡怙恃一身徒自全却羨同行子白

雲在南天

次顏使相和記夢之作

人臣止於忠人子孝於止忠孝諒一致孰彼而孰此做官或為親許國敢有已所以二先生此行辭怙恃何曾不屬毛豈始不離裏誠難百歲前常全養與仕時序正春青道塗臨塞紫夢寐緣思慮文章見憂喜由来孝子心汲汲愛日晷應須未遲暮竣事還故里如吾一罪人平生忍屈指幼壯丁兩艱此禍天實使不復庭前趨而誰門內倚嚴程雨露濡倍

覺哀思起况茲近寒食丘墳闕省視垂涕歌  
此詩未是宣驕士

東林古城次韻

遊子多古意立馬荒城曲不記何代城叢荆  
衝馬腹誰知據險日駢駢車擊轂東韓昔分  
裂爭以力相服驅民矢石間原野厭其肉屯  
守亦無常城成幾人哭幸今太平久檀箕風  
可復民不知脩城耕樵遍林麓風人思自遠  
當治慮亂速持以獻 明主君歸臺閣轟

過江道中次韻二首

長河抱野復縈丘日與西行相背流任彼風  
前塵滿面應從春後雪渾頭詩留一句難消  
與酒了三盃始減愁每接殊音不相曉沙邊  
耳熟有鳴鷗

西來轉與異方親豈覺同行是別身塞雪融  
時山濯濯河冰斷處水粼粼唯將語笑堪消  
日復愛風煙漸可人莫恠吾詩多後發夜光  
明月敢爭新

次韻馬上

稍稍山川異行行道里賒酒堪忘困頓詩足

記經過此地猶逢雪何州始見花鄉園梅想  
好竹外數枝斜

三月三日登望京樓

遼陽城

入東文選

城上高樓勢若騫危梯一踏一驚魂遙空自  
盡無山地淡靄多生有樹村北極長安知  
客路東風上已憶鄉園閑愁萬緒那禁得料  
理斜陽酒一樽

寒食日

度陌風雙袖穿城雨一簑吾鄉重熟食客裏  
等閑過

海州道中

海州西北路紆直並長河薄薄烟籠樹荒荒  
日射坡黃矢籬落近白見障亭多萬古華戎  
地書生得句哦

盤山驛次韻

逐舍更人面飄蓬笑此身殊言乍相訝一宿  
便如親骨肉燈前念鄉園夢裏春悠悠翻減  
却似學世情新

譯士安庭蘭乃貞愍公之曾孫道已卯  
事甚詳次韻

傷心已卯是何年國脉因之一齋然自古亦  
多邪忌正當時能使 聖疑賢淵源足證儒  
先錄芟刈堪驚黨籍編家傳分明渠更記話  
闌落月在床邊

次韻望醫巫問山二首

吾學久迷方末路差回頭每聞前輩風思之  
為綢繆黃卷當對面矧伊棲遲丘所以望茲  
山先生如可求行役阻幽討夕陽雲物愁借  
問鄉黨子公學今誰脩庶幾一者見敢望平  
生游嗚呼非公故胡為此夷猶

聖遠言益堙俗學多為偷一否亦各主見同源  
而殊流知或少涵養養或知未周千載朱夫  
子不疑如嵩丘主敬與窮理隻翼飛莫由象  
山學近禪辯爭殊不休此雖廓大路彼或傳  
中州近者賀先生正復堪依床申明知養說  
未隔鵝湖秋久敬醫問彌瞻山我思悠茲山  
終古蒼高風與之猶

次韻有懷賀先生

維珣玕琪生山中山之秀氣焉能窮有來男  
子從南服玉汝聰明成此翁仙人巖畔長白



日桃花洞裏足春風先生精爽應還往過客  
遙瞻蒼翠空

過閭山

不恠遼山少真成一聚奇春晴開活畫客子  
對新詩更好雲生晚從教馬繞遲桃花知有  
洞未與羽人期

次和士純二思

造化兒遲巫閭奇餘力十三山參差陰晴萬  
古閱行路此日著我騎驢遲聞說最高峯上  
頭臨之可了東南陔我正離違父母邦不成

一陔兩行為松揪昨者是寒食更堪遙憶愁  
天涯

右十三山賦思親

我行千里道塗悠又涉大小凌河流西方亦  
正義人處胡我回首情紆繆自從薄質專所  
委一線補裳嗟無由靈脩雖不識我面我情  
何限思靈脩凌河之水日走東只我此情應  
相猶

右大凌河賦思君

凌河道中忽感孟浩然欲濟無舟楫之

句及之為一語仍成短篇  
遼天殊不極塞日又將晡濟淺泚舟楫鞭駕  
且道塗未容同阮哭寧復擬莊圖久我為形  
後行藏愧丈夫

次和士純四所思

戀闕之歌感我意區區不暇揆涯淡上界  
清高隔風雨一人正在紅雲裏豈不曾逐  
通仙朝鈞天之音僅及耳由來千里生堂下  
况茲辭違又千里明月之佩何當詒此情耿  
耿徒靡已君但未歸歸便近庶未遲暮回征

軌

右

望雲之歌歌且止我聽未終淚如水昔我雙  
親撫我幼嘉我聰明喜不已慈烏莫留待及  
哺乳燕纔飛巢卒燬今者遠遊三千里却思  
初服祝弧矢明朝諱日重可傷已不與祭神  
肯視君但未歸歸即樂靈椿一秋八百禩

右

鷓原之歌感君音隱有藁兮山有林人生豈  
不如草木同氣可樂聯裾襟雖有良朋擬膠

卷不及兄弟天生心我何罪戾獨踽踽有秋  
之社長悲吟即今千里度寒食遂無人省家  
山岑君但未歸歸可羨環擁高堂和樂深

右

鶴峯之歌起我心我亦有棲湖海陰山雖不  
奇足煙月屋雖未新容書琴所期早辦婚嫁  
了然後便賦歸來吟十年宦仍千里後青驪  
行色黃塵侵郵亭落日嗒不語閑愁似海那  
能斟君亦思歸歸早晚故國不恨殊雲岑

右

長城二首

秦焚詩書防聖智馬上氣吞天下地秦銷鋒  
鏑防戰爭鉏耨棘矜還為兵長城之防北胡  
熄秦計有失亦有得殊不知向無宮中胡胡  
亦未必非秦虞漢女相續嫁單于此時長城  
如始成君不聞有道守在夷次不聞有將賢  
於城

縱使秦皇不築城寧教一日息蒼生自家但  
枉防胡計功到如今未可輕

撫寧道中

客出撫寧縣東風散早霞有村皆簇柳無舍  
不裝花刻鏤溝塍直縈紆徑路斜更應風俗  
好渾欲著吾家

永平清節祠次韻

峻節高風死亦生支撐宇宙一亭亭當時但  
識三綱重此子非須萬世名自後紛紛幾聖  
暴從他屑屑較權經首陽山下灤河上廟貌  
森嚴勅額明

辛巳行錄

練光亭次韻

勝羨人兼境登臨夜接曛翻江一陣雨吐月  
四更雲紅粉金杯勸魚龍玉笛聞碧城車馬  
散不覺後諸君

統軍亭次韻

一水分流直又斜亂山開處接鯨波誰教袞  
袞朝宗去樓上征人意共賒

過江次韻

渡江行色索誰家十里蕭蕭蘆荻花塞俗近  
胡何暇恠穿遼方得達京華

燕子岳次韻

千步漫流百步泓蒼岵競秀皓沙平分明昔  
日經行地別有丹霞倒射明

霜楓  
正染

次韻枕上

長程不耐短褰披徑借居民半架茨却認曾  
年雪後路那期此日雨中時殊言一一憑人  
舌苦况紛紛在客眉夜久星河暗爛熳商聲  
聊復動新詩

高嶺次韻

朝餐度嶺戒晡餐步步崎嶇曲曲盤穿密猶  
憐葉黃赤摘鮮聊喜果甘酸屢逢石角衣全

破相失雲層語未圓北上誰言道路易羸駮  
從此怯當鞍

重陽次韻

去國逢辰意悄如天高木落戒寒初唯將霜  
下花三嗅未暇峯頭嘯一舒北俗難親人語  
異南征稍盡鴈飛踈鄉園故事那能憶不得  
音書已月餘

遼陽文廟次韻

瞻禮端須宿俗熏當時講誦似親聞五倫明  
後人堪使莫道邊城不與文

白塔次韻

仰飲銀潢幾丈蛻旁流素暈了青齊空門得  
計殫人力累靡成形使鬼迷八角麗譙休詫  
聳千秋華表可著低重新勒石何功業御史  
將軍與共題

重新有碑按兵撫按  
等官並與施錢之列

望京樓次韻

入東文選

清秋目力試樓雄昨夜纔收塞雨濛八角勢  
飛遙野外五層陰結半空中烏鴉一道衝寒  
日砧杵千家響晚風東憶鄉園西念路此時  
臨眺掩情同

倒行

裏人認昔遊顏

幾重山旅食易垂橐年華長據鞍却羞鄰店  
雪後西風利征夫不奈寒前頭無盡野背指

次韻雪後

亦倒

已留成筭遙作家書紙半空

有女當婚兒主幹荒秋住祿婦愁窮此翁似

作家書草草自笑

亦倒

遼陽曉雨霜

在三千里外夢魂妨歸兵定否傳消息正發  
目埋行迹素月隨人到異鄉二十年前交道

鴨綠波寒馬耳蒼維舟可憶盡君觴黃蘆柱

有寄江上

減渾欲闔殘蛩

濕晨鐘國恥丹心耿鄉愁雪髮鬆頓令眠睡  
旅館依城近譙樓架堞重知風喧久鐸覺雨

次韻夜吟

瘦幸全性命微

識所依水雲增繳遠霜雪稍梁稀毛羽何妨  
秋羣空北塞隻影始南歸縱是知時後猶應

次韻獨鴈

沙嶺次韻

并高平盤山行  
人為三站

荒絕知三站年來又較衰羣胡頻劫掠十室  
且城池厨子炊黃飯駉駒斃白籬居人不覺  
苦過客敢言悲

廣寧次韻

將軍元制外御史亦監邊神力遙尊岱兵威  
寶殿燕馬肥騰翳勒士飽戲抨弦不信訟墻  
地入無帖背眠丁丑年賊來焚東嶽行祠率  
遇雷雨而遁此後廣入益神

之事

次韻李揆兵

卷六

三

自古英豪樹異勳多乘草昧託風雲  
清時獨自超羣校胙土仍兼長左軍  
榆地北關應懾虜 楓宸東顧庶寬  
君遠人未信邊氓語頻見塵沙動惡氛

次韻送成敬甫

以節使書狀官先出還

斗酒天涯惜共傾一場纔比夢分明  
看君已有還家樂計我能無去國情  
別語欲悲翻強笑邊聲多妄豈相驚  
丁寧報與東華伴霜髮今添一萬莖

十三山次韻

畫出閭山一萬重還將倦筆涵微濃  
天公似欲剩粧野客子無聊強數峯  
消息遙遙鴈豈繫陰晴袞袞蠓還春  
同行屢發新詩快每一高吟一盪胸

紅羅山次韻

紅羅山在方輿圖其中即知巢胡雛  
我今行役沿塞過相望十里彌黃蘆  
烟塵乍起愁軍將所聞由來非智愚  
可憐關外民父子不遭磔爛即牽驅  
守在四夷誰是道否恐無策平匈奴



次韻遇雪

客路天涯際朔幽窮陰况是歲將邁夜來忽  
有漫空雪寒重偏驚透弊裘出郭却應迷雉  
堞穿郊那復辨塍溝須為馬上西風地且撥  
爐火酌玉舟

圓通寺次韻

前屯城中

荒城一宿遠遊駭酒肆西頭是佛庵雞犬自  
堪當曉梵歲時應始掃塵龕齋庖婦女調羹  
羹丈室嬰兒鬪果甘長老工夫何可小瞿曇  
不學學生曇

次韻揚忠壯

照

國將虜運交消長天與賢時乍屈伸烈烈維  
公生配義專專報主愛非身威行塞上揚無  
敵賊避雲中漢有人兆慘旗竿風忽折禍奇  
鵬翼夢俱淪邊塵即目民恒警野哭相聞歲  
又貧千里關河誰繼守九重宵旰屬勞神

前照死數日遼廣教場大將穆事並為大風  
所折照生母有異夢畧與岳武穆事同云

次韻得邊報

只是吾行不落圍邊書踵後疾如飛誰專一  
面空提旅豈惜千鈞重發機未必山河因以

失應將子女係而歸傳聞二十萬達虜皆解  
彎強皆策肥

山海關次韻

竭來山海衛知是 帝王鄉下戶皆重屋豪  
商聚四方冠紳看濟濟奏誦聽洋洋執節經  
過數吾人異越裳

榆關次韻

浮生滋味鏡中顏等是難忘樂與艱此夜榆  
關作歸夢安知歸不夢榆關

撫寧壘韻

自擬榆西一破顏真騎快馬路無艱麓峯却

欠桃源興憶昔春深正過關本縣驛名麓峯

麓峯口桃花皆昔行所記

永平次韻

盧龍山勢振還躡戰伐從教幾吐吞遠客只  
今來縱眺灤河水落繞城痕

夷齊廟次韻

餓死西山不自悲千秋慕義寄高祠隔河孤  
竹君靈在長有清風來往吹廟在灤河南岸

廟君

龍橋疊韻昔過此橋橋北有一村屋老僧主之以施茶為事今

已為墟矣

五載存亡亦是悲  
蟒龍橋北一村祠  
方知長老施茶意  
免使征夫冷火吹

漁陽橋次韻州

吊古壯遊懷賢才不然  
萬里胡為來空同  
山即廣成處帝軒轅  
聞道胚胎雪花正落  
劍未倚雙鳥爭鳴時  
益催非復風后力  
牧業漁陽不救鰲如雷

次韻遇大風在後郭均店

蚩尤戰處有餘氛  
風力如將勝負分  
震撼直疑摧地軸  
暈昏終恐闕天文  
人行數里回車急  
事定深更在耳喧  
遲我朝搖借勢愧垂雲  
天又一日扶

三河疊韻

皇恩久已釋冤氛  
使事猶羞未盡分  
橐裏無金甘露宿  
腰間有劍動星文  
京圻漸向山河羨  
道路多穿市肆喧  
受命同存兄弟義  
明朝入洛似機雲

通州次韻

夏店西程走潞河揚公壠口樹如麻城樓背  
日遙看麗市慢翻風似欲誇一帶不綠通湊  
集中原安得冠雄華危檣簇簇多南舶來自  
鯨波萬里遊河東有揚尚書墓

次韻石假山成國公來應禎別聖

朱門初不厭卑湫好事風流妙九州台嶽挺  
竒生戲劇太湖叢恠入掄搜岳間徑竇容人  
繞洞裏房攏著處幽二十年來三易主松杉  
最是閱春秋

到京

潞郡去京四十里崇朝得造朝陽門規模竊  
歎城池壯氣象遙瞻殿闕尊列肆隊分居  
異貨通衢散走高軒蓬萊方丈雖吾土早  
識中州上界存

到館有司混待四齋郵館重墻牢鎖視前倍嚴極可羞恨

由來授館玉河側一倍墻高高鎖堅衰晚不  
期重作客今宵得曉已如年寒風孤燭明還  
滅風遠踈鐘斷復連是處難忘白老酒囊中  
奈之少陵錢

見朝

人來從出日 帝所繞紅雲樹曉羣鴉散樓  
明五鳳分鴻臚儀一一象譯語云云免使洞  
庭鳥驚疑軒樂間

見堂體部

南省衙時靜惟清豈事勞周旋郎吏恪仰望  
遠人叨早識許學士寧宜纔貳曹張公當國  
日不暇不官高左侍郎許國曾使我邦素有  
重望今聞閣老張居正用事  
以後賢者多外帶許亦由翰苑授南京祭酒  
天子特記其人召還甫尔云然許能終不變  
未守吾是

受宴會同館

為矜鞍馬涉艱關勞宴重陳下上間事在有  
司雖襲故恩知 天子不違顏屈尊宗伯杯  
頻舉佐喜伶官袖屢彎只是 君羞雪猶未  
含悽莫恠似中山宴稱下馬

受賞

宣賞尋常有司致遠人今詣五門深鐘聲未  
定千官肅扇影俄分 萬乘臨右笥豈惟酬  
執篚違顏將恐阻歸心東還細與邦人詫索  
裏誰須季子金

觀國學

石鼓猶堪撫難聞木鐸聲 聖朝尊廟貌師

道黜王名慘慘庭前檜依依夢裏楹吾鄉雖

遍設重是在周京 石鼓置在廟門位板舊書文宣王今改至聖先師云

觀天壇

昭假豈無禮致隆還有誠園丘已自是寶殿

幾時成地合紅雲繞入容白日行安知清切

夜不接玉樓明 大享殿嘉靖中所建

辭朝

四海天清一日輪容光地盡向陽人來朝却

又辭朝去莫恠遲遲出 禁闥

辭堂

光分八座尊嚴地血灑三書痛切言未許淹

留竣使事千金一諾亦知恩

送冬至使柳工曹 希霖 先歸

同榜慚吾忝忘年實父行一時遊 上國三

日後還鄉冰雪遼河道煙花漢水陽分飛應

沓至幸苦入杯觴

送宋書狀寡尤先歸

意氣聲名乍後前三千里外一團圓差池去

國交霜雪次第還家換歲年不作雙飛過華

表向來同夢聽鈞天河橋此別他時話燈剪  
山簷夜雨懸

發京

恰得淹留五十二東歸雖好又風蓬回頭不  
見西山雪有耳那聞北闕鐘

和感鸚鵡

影吊籠中獨觀爭市上先語言明忌出毛羽  
損因憐幾感金風至空懷隴月圓東西本遼  
絕遇汝一潸然

除夜

悠悠疇昔事忽忽此時情可耐他鄉裏仍將  
別歲爭鴻溝未許割羊胛不須烹臘酒沽來  
羨酣歌早到明

元日

立春亦  
在隔日

栢酒同吾俗春盤媚遠天休云更易老却自  
是新年丘壠唯堪戀妻孥亦可憐從來身許  
主不得顧私便

山海關登觀海亭

山如昨走海來櫻阮塞端宜制戰爭偉蹟昔  
聞秦帝島雄觀今上魏公城潮頭素浪風吹

立天未暝雲日帶橫且道曲江堪已疾曾中  
寧復滯崢嶸魏公徐達實物關城

分津錄

中秋夜陰

海瘴剛侵夜蟲吟步作秋坐拋三五月因起  
索離愁杜子難蘇肺潘郎易皓頭平生薄詩  
律冷淡暮年收

書事次杜水會渡韻

智者懼踰分愚夫懷苟安我故貪厚祿不思  
前有難聽訟愧古人罪大 謹猶寬祿去便

無食如魚失波瀾先人期我貴校拓舊業寒  
今無寸土多窮歸將隱盤老奴耕數畝太半  
傷旱乾可笑指青黃甘喫老奴餐

次杜叢閬州韻

野有盜賊山有虎故浮江海尋園隄海上秋  
中瘴不伏乍陰即風風即雨凶年魚蟹且無  
種卒歲飽飢堪逆數咄嗟日夕還自寬勝似  
身當謗辱苦

次杜倚杖韻

戶外連空外溪邊到浦邊日斜明落鷺潮至



動虛船俛仰聊供眼行休又聽天男兒有未  
了倚杖惜流年

次杜愁韻戲效其體

臯壤可以託吾生安分應須觀物情蟲吟普  
調伏衰草鳥事高格弄空明賢豪自足佐時  
世賤拙何用戀京城只是歸舟載不得一君  
臣大義古今橫

漫賦

抱關擊柝分彼當前走郎僚有底長食在太  
倉寧免奪田餘先業又遭荒妻孥却恨經營

少婢僕如蓄力勢亡一掛風帆下江海漁樵  
爭席乃吾鄉

感時次杜獨坐韻

今年蠻奪艦去歲虜屠城武士貂蟬成盛謀臣  
甲第清安危君自主智力各為生我欲從  
農圃翻虞大義輕

有賦

窘步收來海一方閑中應接也成忙須侵曙  
靄看潮信要傍斜暉數鴈行孤島晴光連漢  
渡工變秋色隔高陽况兼戀闕懷丘壠休

惟無時入睡鄉

晚眺

信手青藜植復行東臯秋日又新晴煙光適  
白千村變野色句黃萬室耕去馬來牛聊試  
眼歸鴉倦鳥更關情等閑吟得詩凌亂纔到  
安排却不成

有感

憂讒吟澤畔恥辱賦田園事後非元亮人微  
豈屈原脩名付時輩大義繫君恩自古留  
文字分明異世論

菴津漁戶船到浦口

盡室避苛政扁舟來問居唯知魯不可未卜  
齊何如彼亦魚視汝丁寧休事漁顧余逸世  
拙妻子乃遺餘

兒至夕酌

恰有村醪數斗香由來獨酌不能強吾兒適  
會乘舟至日夕端宜席地涼骨肉團圓聊可  
喜杯盤儉朴又何妨頗聞時議加澄汰從此  
湖山歲月長

望摩尼山

南峯一望並江城萬壑千巖走二京海上摩  
尼如退讓孤高恥與衆山爭

記所見次杜曉發公安韻

去者怨風來者喜帆何神速槽何遲天公安  
有為人意汝輩自殊當此時賈客貪忙還失  
計漁翁取適不前期歸朝倘報君恩得縱  
遙曾波吾欲之

漫賦次杜江上值水如海勢韻

中年自道休詩子老著湖山未省休朝箔報  
晴來爽氣晚筇侵暝散幽愁影過橫浦知歸

翼喧隔回巖認客舟漫興惱人無日夜休詩  
喚我謝交游

重陽前五日

秋來病骨易為涼昨日添衣今換裳有鱗摘  
鬚那更健無錢賒酒不能狂羣擠下石非恬  
退數畝荒田豈故鄉困退他鄉又多病將何  
狂健作重陽

次杜撒悶韻

那教日壓玉蛆春喚到平生意裏人痛撒鷓  
絃歌以問高燒蠟燭酌無巡乍聞世故嗔奴

虜爭出豪談捷鬼神不許門通不速客為狂  
為傲掛渠唇

漫賦次杜咏懷古跡韻

老去逢秋一倍悲聖賢農圃定誰師天催野  
色歸黃日人與山容漸瘦時昔望菟裘空自  
計今違魏闕只堪思酬 息守拙俱無賴  
不是吾身進退疑

夜雷電以雨

赤緒秋九日臨七海上幽人睡起哀羸世尚  
能修月令 聖朝餘事禦天災草萊徒病歲

不熟廊廟應驚秋有雷仁愛吾 君勤警告  
爭如一夢賚益梅

即事次杜遣悶韻

乘興杳然成獨眺一盃聊為壓高寒四時木  
落山初瘦元氣潮回壑又乾颿影度時知海  
凸鴈聲窮處覺天寬詩堪包攬何須妙語欲  
驚人思亦闌

九日次杜韻

登高地選海天寬見說居人一日歡病客未  
宜供是事黃花今復上吾冠斜風起浦潮聲

壯落日銜山鴈影寒爭席屬杯那可厭也須  
留待月輪看

寄西湖李卓余次杜懷灞上遊韻

張望巴陵道平生古渡遊風前魚可網月後  
酒宜樓賓友多星散主人獨日休棄捐還學  
道相待雪中舟

有賦次杜即事韻

自我先入心一亭棲遲幾送暮鴻冥今違杖  
屨又頭白未飾湖山空眼青困黜方謀五柳  
隱不耕却學三閭醒慚深以祿為命日錯料

明時寬涓涇

即事次杜咏懷古跡韻

徙倚江臯俯海門分明著我畫圖村歸潮謝  
壑依依去暮色生郊冉冉昏思賦落霞無妙  
手欲絃單鵠恐銷魂永將身世牽鱸膾前達  
心期未易論

聞朝家以受天朝恩獎之故賞賜

槐院諸卿厩馬各一賤名亦以製奏同  
賞云

天書遠獎星馳傳法駕親迎日在旗道路

想知觀似堵江湖空自髮如絲  
謙歸已盛修辭地  
省錄仍均起草時  
賜馬三年今備駟愧臣無復策驚遲

夢

不慣 君王近江湖夢往來有如潮水去遙望漢陽迴

漫賦次杜黃草韻

悄然如客亦無歸秋晚江城黃葉稀削迹公卿大夫後回頭四十九年非扁舟月裏長竿手襪穩風前襟襖衣從此徜徉吾事足不將

詩酒解愁圍

次杜野望韻

長江欲放風前艇大野思過雨後橋為被閑情欺寂寞非須快境辦逍遙運籌決勝兵戈際論道經邦揖讓朝此事天教不入手河汾有策豈堪條

德仁正雲叟母夫人挽章

閨秀宗英兩義成早叨仁里識家聲母儀仍似嚴君在兒大皆如苦學生已著前喪一孝子還看後輩凶難兄論交實過陸堂拜百里

終乖執紼情

寄韓景洪次杜所思韻

每畏逢人多觸忤幽居悵惘復須開南隣釣  
隻朝常出北里樵翁暮始迴口想懸河那可  
會顏疑落月豈能來似聞院局移閑慢風舸  
應堪破雪堆

夜坐次杜閣夜韻

百里客懷千里遠三分秋日二分宵疎村月  
落砧猶響近浦潮生櫓又搖緣病進衣渾見  
絮遇荒無食欲休樵殘燈半壁推窓看曙色

蒼茫在汝家

十月望後雨

一年霖雨後西成休說玄冥太不情正叶  
朝家荒政晚飢時料理死時行

十八日待月乘舟

東臯帝罷借漁舟遲月真成赤壁遊乘醉不  
覺人隔世謂言三日後風流

書懷次杜詩將赴草堂韻五首

危蹤不得戀清都白首惟煩乞左符物議出  
於吾策上秋風歸去故園蕪裝因計久貪還

重酒為行遲盡却沾未發扁舟洛浦口教人  
看已作漁夫

獨留貧婦采繁蘋秋盡冬仍未卜春緣不容  
時非孝子敢言歸日是閑人醉眠飽暖供無  
事漁釣耕樵與作隣便恐終為聖門棄詩書  
自課課兒新

佳期相待剡中溪漠漠煙沙眼幾迷新月又  
從橫嶺上夕陽還在斷橋西歸潮不解將舟  
楫落葉無因聽馬蹄欲識日來難撥悶尋僧  
蕭寺獨衝泥

擬著江干卷鴨欄兼疏谷口聽鳴湍人間未  
信三公貴物外誰爭一釣竿安得妻孥同拔  
宅也如鷄犬與沾丹男兒况是事未了惆悵  
去留空復難

是非叢裏一身微因黜逃時敢道歸事異陶  
潛今覺是年同蘧瑗迫知非關心鴈澤鳴無  
食撫迹鷗波駭有機三十六策都不可窮途  
古亦有沾衣

下弦二首

一更二更下階行渾為星河爛熳晴月上三



更虛室白星河不復事光晶  
紅雲俄散太陽生缺月猶懸不輟行緣是受  
光甘暴白敢矜陰力欲爭明

晉陽錄

南江夜泛醉筆

八東文選

自余來晉州移月始登舟適是新年飲渾如  
少日遊笙歌依別渚燈燭見高樓合有神仙  
在他人向我求

比安試院次高同年叔明韻十二首

三十年前事相驚兩鬢秋吾無復汗馬子了

幾全牛末路收名足當時忝狀頭仲謀兒又

勝通籍廣寒樓叔明子翰雲

新功深大易高第出春秋此老曾空馬諸兒

亦食牛愧先貂續尾空復雪渾頭相贈詩堪

重聲名五鳳樓叔明業經春秋

南國春生後羈懷轉似秋政慚刀換犢才謝

劍衝牛落落誰青眼悠悠自白頭丁寧肯相

訪同聽雨鳴樓叔明有訪我

相逢意相足一日敵三秋筆下力扼虎曾中

書汗牛名途難著脚薄俗肯回頭恨未捐吾

俸營君百尺樓

柳占烟光早堤留草色秋鏡中三兩鷺屏裏

去來牛安得分山半相將共水頭清談消鄙

吝勝似餌神樓

縣治有屏山水甚佳

最覺茲遊愜曾煩想幾秋芳洲宜白鷺古峽

似黃牛幽討避人跡好詩生馬頭專城領瀟

洒敢詫晉陽樓

無示主梓李三獸

種學誰爭富收功不保秋青雲失路客紫氣

度關牛晚節詩千首吾儕讓一頭春深花鳥

爛擁篲候江樓

清謹春盎盎峻語凜然秋意氣輕千駟行休

判二牛兒孫免墻面婦女任搔頭快境君吾

導空中有邵樓

偶來同棘院偕試憶槐秋不厭日文酒還應

風馬牛南昌堪閣筆東野可依頭誰解重圍

急先聲趙倚樓

趙星州伯主先聲適至

鎖院嚴分托行臺凜挾袂向來同酌兕相去

一鳴牛鳥語新人耳花形具樹頭惟期朱墨

罷握手東樓

夜明以執事在園外差遠京試官帶臺銜

百歲吾今半四時君亦秋驪黃誤駿馬蠻觸

謝蝸牛有室堪容膝題門任後頭同君此事  
定蠹石豈吾樓

暮年頻道路偏感換春秋南嶠盡回鴈西疇  
初服牛好花開屋角濁酒過牆頭細想村居  
興那堪上驛樓

次方伯金公醉過曹南冥宅韻

沿谿莫恠遲遲去處士當年此著家山水高  
長風可挹不應在鶴在梅花

仁同試院次京試官申佐郎曉韻

九天分詔宛新聲佐事猶榮附尾行國慶比

年張棘衛鄉髦殫業起柴衡目前珉玉雖同  
東意越驅黃豈可程惟黜淨華收朴直聖  
朝需用合分明

次西樓韻呈席右

同席誰嫌談笑顛斯文此會說從前縣殘猶  
辨酒及菊霜晚似饒花後蓮坐惜烏岑下新  
月遙憐洛浦生晴煙可因朱墨遲歡賞世故  
欺人容易先

送別京試官次東軒韻二首

搖落誰知宋玉秋月明同醉度公樓只應來

日堪惆悵君向雲衢我海頭  
重見江南插抽秋嶺雲遮障望京樓離筵欲  
作思歸曲一唱佳人定白頭

雙溪即事

方丈自此入豈將人境同奇巖寫淥水落日  
在丹楓徃躅雙溪字清遊一笛風居僧應笑  
我暫脫簿書叢

玄淡卷次韻

山中秋已具報事白頭僧走馬穿紅樹沿溪  
杖赤藤鶴天留洞秘仙筆著巖曾此地丹丘

是何頂羽客仍

性寶卷次韻

山外楓林色已幽山中自別又溪頭老僧似  
欲慰遲暮邀我斜陽明處樓

醉吟

衰境令人作許悲丹楓黃菊對霜鬢頭流峯  
上生新月却似風流年以時

智全卷次韻

琬琰留文儘色絲雙竅寒擁鶴樓危崔仙故  
地崔郎到付與山僧話作奇

黃敬差璨自三神洞至州話間舉其所  
為三絕之一余即步其韻以呈今再浹  
旬而余又入洞則黃詩已為居僧上板  
矣因并和之

曉氣欺秋作小濛樓前稍放玉潭空只應羽  
侶遊殘月和過峯頭不見中

山檻憑虛月在盃高吟渾欲闔端雷丈夫到  
處樓臺好莫笑生平似寇萊  
錦葉如花却欠香秋容冷淡稱禪房千重簿  
領偷身得覺我烟霞病在肯

延壽卷次韻

寺下澄潭波不興吾詩可洗似徐凝溪山元  
不要人語作卷區區多事僧

次而順

高

應遇

楊

兩斯文韻

二公詩合付玲瓏紅袖應經拂檻空不用居  
僧煩刻畫朱絃流水顧瞻中

滯雨贈信暹

未乾問月盃殘夢雨聲回造物淹行色新詩  
又受催屢空吾可繼以溷汝休猜還試真源  
覓無窮紅葉來

記昨遊

筍輿代蠟屐遵彼澗之幽不必窮源得惟期  
興盡休

雨後

朝來風急雨濛濛錦繡千林一半空已作漫  
山秋色了殘紅與泛碧溪中

出洞

五日頭流未覺遲從前拄笏為脩眉官雖人  
世二千石興在寺樓三兩危霜淺霜深山幻  
畫雨前雨後月宜詩茲遊色色天如借又作

輕篔出洞奇

西村

溪出洞石逾白竹深村楓更紅借問居人行  
樂催租不害秋風

台南古驛

馬首又溪山嗟余遊晚暮却從官道歸衣濕  
台南雨

臺石樓次韻

石老江空悄別區東南萬古有茲樓由來擅  
勝還平地莫去尋真向上流繡箔晴仍霞外

捲蘭舟夜厭月中浮一登定自非凡骨何況  
三年占鶴州

扈行錄

自完府赴行在過壺山題清虛亭次

韻二首 是日聞倭寇去京南下

三時不上快心亭半日清虛眼却青始識關  
身兵賦苦腕來渾似夢初醒  
千愁百悶上高亭繞郭林巒向客青蛇豕吐  
吞還我壤何須尚作楚人醒

次宋靈老韻二首

容易歸田判未能未歸那免與愁仍官還戴  
笠身疑卒食每無魚計似僧亂世用文方釋  
馬從人安字轉成蠅英豪不快由來事為我

誰能說海鵬

官銜日化覺君能執戟修文笑我仍報主  
寸心終是仕耽山一味獨如僧人生豈得纏  
錢鶴世路還多點玉蠅惟有相逢同感際不  
知誰鷄又誰鵬

次韻義和卷

不用從人覓七言渠家向壁道應存歸山正

值秋容瘦試看溪頭錦葉翻

次沈公述韻

相逢周歲後各自畏途中瘦黑驚還定艱辛  
說未融野星終繞北江水會流東拭眼中  
興世依然同里翁

漫疊前韻二首

自從羈旅飯猶能其奈秋霖瘴又仍對賊還  
慚文作吏無家不待戒成僧名安足取忘皮  
虎謗亦休驚過耳蠅却得天晴翠華動扶  
搖風末一遊鵬

吾王駕御盡羣能豈謂兌氛退復仍已竭  
乾漕供漢騎還拋貂錦與胡僧彎弓向詫工  
穿蝨拔劍誰移怒逐蠅助順終須天道在伊  
甘鯨戮我騫鵬

靈老索鶴峯精舍記疊前韻以辭之

賞心聯詠愧難能精舍徵文愧又仍去縣曾  
聞裝帶鶴新詩果見句須僧人間亂後憂冬  
蟄物外棲成絕夏蠅定是地靈扶道氣那將  
籬鷄讚雲鵬

題王軒卷兼東靜公



未入香山見靜師家風於汝得之眉塵矣頭  
白成何事戀戀空傳一紙詩

次韻法弘卷

書生軍旅正相關丁壯為僧得在山抹撥海  
氛秋字湛吾人閑日也渠閑

此非賦詩時古人有感憤慰想亦多形  
於吟諷鳳陽中秋夜有作錄呈左相台  
座一覽

不向長安苦相憶逢辰猶自扈吾君雲從  
雨後無此子月為秋中更盡分極海唯應同

霽色偏隳未信尚妖氛東歸併作重陽飲痛  
雪今宵負一醺

天將李提督別章二首

推轂端須蓋世雄鯨鯢出海帝憂東將軍  
黑稍元無敵長子瑀弓最有風威起夏州遼  
自重捷飛平壤漢仍空輕裘緩帶翻閑暇已  
入邦人繪素中

太平無甚賴英才乞與朝鮮燄死灰妙射以  
聞猿臂引神籌今見虎韜開文從陸海潘江  
出字帶顏筋柳骨來要大功名全始得人歌

吉甫際東萊

亂後錄

皇華坊會話帖次韻三首

韓景洪車復元與馬

堂靜無風也自涼  
淺於人事得深觴  
縱觀筆陣千軍掃  
還有詞華萬丈長  
痛哭洛陽誰信  
賈清談江左未  
嫌玉惟應此夕  
文星動最向  
城西一聚場

為少心頭一味涼  
招要勝友置壺觴  
高情羨似春雲媚  
老境羞將夏日長  
久覺伸針非釣  
道誰知縮手有  
醫王酒闌莫恠  
翻揮滄城邑

年來是戰場

神京亂後足悲涼  
上瑞如今共客觴  
門巷肯羞車轍少  
斗牛應識劍光長  
詩才論敵鬼仙  
李筆法折衷大小  
玉茲事只堪供一  
譔老夫方自怯名場

題安堅山水小幅

岳巖滴翠來樹欲  
浮空去借問樓居  
人飛泉發何處

題鵝溪相公箕城

平錄後

亂世投荒匹馬歸  
文章萬丈獨相隨  
新功頓

進春容大舊習差平卓踔奇稷契何書源苦  
讀江山得助也優為還恢宇量應如許碌碌  
吾儕未敢窺

送尹佐郎暉冬至使書狀官

入東文選

青年才子氣凌霞此去朝天詎覺賒燭影  
辨門初引象鐘聲度樹已喧鴉書雲禮古徵  
三至執壤人殊了四遊袖裏觀光家集幾陪  
遊最憶正煙花

僕曾從尊相公丁丑之行正值花時  
其後又副尊叔府院君俱有唱酬錄

題石陽正見留三清帖以還

蘭梅竹  
詳存文

三年此會干戈後一卷仍將琬琰留造物全  
君幾折臂餘生及我未昏眸清香豈取供花  
事苦節應憐與雪謀久識傳神推妙絕詩篇  
字法又風流

石陽仲燮再到京城與韓景洪輩會晤  
次其在南中相憶韻贈之

蛇豕縱橫但不來故京鐘鼎撥寒灰  
祖宗即此親舟輶人士如今鮮笠臺  
北極朝廷大夫在東風草木  
王孫迴團圓偶復尋平

素豈為毫端較小才

送盧同樞士馨兼進慰奏聞之行皇朝

史火

莫道三千里外程吾王自駕一家誠初因

告急須高選復為聞災亦重行鶴已千年猶

古郭雲常五色即神京平陽淖路扶持力

阿崱還應似事兄遼路有平易橋其地泥厚

嘗從我習知遠路者

次申舍人敬叔利城縣題詠韻四首

海

東北無窮顛氣來故臨空海復登臺千年豈

有龜梁就百恠終教蜃市開坐見霄垠方躍

日時聞風未忽轟雷堪哀浮世營營計此變

桑田問幾回

海山

海上遙山罷霧昏連如郭郭缺如門誰看玉

女頭常洗定識天公手自捫弱水盈盈沉鳥

羽香風纚纚返入塊何方化作王喬鶴去上

諸峯在一翻

松林

松林鬱鬱又蒼蒼夾道遙連海岸長自保勁  
姿多歲月寧論枵腹困霆霜張空傘蓋防穿  
漏戰野蛟龍失蟄藏不遇惟應着匠石渠心  
未要作鵬梁

柳堤

輕盈渾似力難持極目長堤柳弄絲何必一  
千三百里可憐高下古今枝宮腰細瘦隨時  
樣鶴鬢風流不世姿自是臨歧無意緒從人  
攀折贈相離

題僧學明雲山圖卷

少年慕道則辭

家剃髮蛻如也時危激乎義則投錫論  
兵又何銳也上人之為其足起人者乎  
若余昔之仕也為貪而不能從吾好今  
也偷生苟活而無可道者曷勝愧耶獨  
為來意之勤題卷以還云

一鉢一錫蕭然月青山白雲行坐俱衆生塗  
炭煩一出懷袖青山白雲圖

次韻德珪卷因寄靜公

江漢之南昔相逢幾年香嶽巢雲松寧待兵  
塵瀕洞日始哀世路崎嶇蹤錫下已驅山下

簡易集六  
五十一  
虎硯中却起潭中龍  
珪能言我歸依計早晚  
許攀藤蘿重

通津重九題村舍壁

九九何煩七七花  
東籬舊物野翁家  
席間落帽應休怕  
風力如須酒力多

題慧澄卷

壬辰避亂僑寓摩利山下

賴隣僧印慧相救食得醬者數月矣而  
聞 朝廷遙授完府乘舟南赴臨別留  
贈花牋數幅期以重逢作詩未久聞其  
奄忽今澄也稱其弟子持牋來謁為之

悲感寄與短句云

島嶼偷生日扮榆未赴時資之食有醬贈以  
紙無詩長老思如昨沙彌擊在茲一揮和涕  
筆安得九原知

送柳知事晦夫出按湖西

正卿稀見出監司今日湖西異昔時民不耐  
勞來盜誘士徒知戰助奸窺丁寧玉石終  
寬詔整頓江山自好詩筆硯共治匏獨繫應  
憐無紙用蒲為

公與余同視院常任提調

挽德仁正雲叟

皇華坊裏居常並，祠赤江南殯未臨。寶出玉  
林元異種，馨分蘭室幸同心。名山杖屨衰年  
廢，勝日琴歌亂世沉。可忍仍為生死別，章成  
薤露一哀吟。

依韻和葉游府勸勵歌

元韻雜用故  
變體以類之

將軍實來吊我邦，將軍實來吊我邦。當年欲  
說淚成行，蛇豕食人骨如莽。方數千里夷耕  
桑，君王馬後灰塵坱。西近天朝依未光，  
豈不見天兵克平壤。豈不見天兵克平  
壤，星象夜動弧射狼。元戎督戰日未央，破竹

不許飛走遑，稍復山河氣鬱蒼。只殘數壘東  
南方，豈不聞樞筦運籌長。豈不聞樞筦運籌  
長，又况開府臨封疆。羈縻且完目前當，又覆  
寧保無狂勦。善後之議紛豎橫，餉具兵先乃  
大綱。將軍關慮即一堂，復親歷覽田多荒。謂  
言民志在矯昂，募助亦足當富強。我人何不  
為，奉揚我人何不為。奉揚旨哉，將軍勸勵章。  
君父羞辱切，毋忘臨難免。同見豺羊誰能畏，  
病忽藥良至。言感心如蘭香。

送尹佐郎

東老

水軍統制從事官

書生分內無餘事，透得三墳即六韜。正見籍  
農充虎翼，那辭投筆破鯨濤。立朝故自謀多  
鄙，臨陣惟應膽獨豪。竣事歸來知早晚，楚氛  
清豈待秋高。

挽李咸悅

銘

中歲偏驚易白頭，共衰那忍此哀謳。君纔月  
計嘗為縣，我亦年來未作州。亂世苦難藏百  
口，幽居應便理孤舟。携壺一訪猶相負，羨却  
翩然萬事休。

次南湖叟

尚文

見贈韻三首

不恨佳期失暮春，松陰更好絕炎塵。從前擬  
託忘年契，可是差池兩老人。

日自西頽水自東，高人髮白尚顏紅。直應無  
恙，中興後重見羲皇上世風。

名園勝事樂當年，好客風流亦出天。此日那  
辭渾索莫吾，王在處膽仍懸。

次韻權正郎

調

安峽小築之題二首

倦遊吾唱望江南，偏感君詩帶峽嵐。築罷泓  
崢隨指顧，趣成飛躍入包含。非因捷徑媒初  
出，豈有移文阻再探。休把和章供坐憶，和章



多是等閑談

兵戈滿地尚為官亦少城中屋數間畢竟君  
臣大義在有山何必勝無山

送宋靈老林川郡守

父子林川不果行多君起廢赴茲城道里何  
曾懷德遠樓臺復似定山清休憑石壘新防  
賊莫醜潢池舊弄兵欲識政成談笑日明年  
春雨映深耕僕及家子皆曾作此郡而不成  
往也懷德宋君舊業所在定山

申副提學叔正亡女挽歌

出嫁于南鄉  
遇賊鋒與舅

姑及六歲女  
兒一時被害

元帥枕戈督諸城以守兮孰曰賊至我邑里  
天兵如雷如霆先聲南下兮孰曰恣爾蛇與  
豕女子有行遠父母兄弟兮一入門後不  
下堂公姑弱息相牽以當白刃兮胡忍臨此天  
日光蘭姿玉質彼信然者知其幾兮欲劫以  
去安可得全而歸之有大於體膚者兮無所  
悔亦無所惡緬惟詩禮之家木以喬兮豈獨  
丈夫聞以式早晚貞珉大字著節婦兮吾且  
歌之勒道側

頃余在松都客中與藥老語間以為國  
家人力已盡人心已非惟仗 皇靈亦  
已不能萬全事若無復可為然獨可冀  
者 君心與天心合得其默佑耳藥老  
甚然之今於歸路偶因戰士得歸者聞  
蔚山之捷不竟乃以雨風之故云若此  
之時豈可以為天都未始與於其間耶  
却疊在彼時唱酬詩韻恨不得與藥老

同之也 十首具錄中

海不蕩妖窟焉能無擺弄陸不鑿凶巢焉能

不蠢動人言數適然我謂天實揜天人感應  
際母乃有闕壅始若難企及郊園遊麟鳳遂  
不復可致賢良應卜夢然後何足恠衰周及  
弱宋惕茲在 一人治亂慎所共莫云天高  
高沕穆享敬恐遠可海不揚近之河俄凍况  
彼飄千里寧毋沮與送 方寸有香火蕩堯  
言倘洞

客有難余天未始不與之說者曰天  
之有警有望於 我后者固未必無  
也若今日之事天不佑我則是賊得

時也豈有賊之凶殘而又可得時之  
理乎余曰是大不然獨不見蝗乎夫  
蝗賊嘉穀之蟲也天何厚焉若或殖  
之以為一時之災是天意在於警民  
主者而非所以養蝗也亦見蝗食穀  
而果遂其生於地上耶且於傳有之  
曰天其或者正訓楚也禍之適吳其  
何日之有蓋天為足以訓楚者而已  
非吳之福也然天實警之訓之也而  
莫有以荅之也則其終竟又不可測

矣余嘗戲疏及此一義焉 聖明寧  
不留神也耶戊戌早春書于高陽村  
舍

追謝梧陰相公寄問獄中詩韻二首本

披讀中韻

沾濡一髮孰非春敢為沉綿自有身位秩謬  
同軒上鶴形骸宜作獄中人何曾怒物由天  
地只得糜軀謝 聖神 寬旨更蠲廷尉當  
此生真託再生因獄事以奉命故  
台章併寄一壺春為慰圜墻對影身解位誰

能猶急亡隙名獨愧誤知人免治奏草文何  
用從作詩窮句欲神白首丘園陪杖屨風塵  
此事恐無因

公屬解相位

癸巳行錄

### 龍川贈具郡守

城中二千戶牢落今半百五萬亦空簿使家  
講移粟客程雖匪嚴淹留為不樂賴是主人  
賢累日無厭色今朝戒膏車雨雪塗又惡得  
毋有使之不可自遲速此邑名龍川故應有  
潜伏主人也人龍定不留凡客

### 義州統軍亭送黃持平聖源代還

行止誰非造物兒統軍亭上話分離地形一  
帶殊三域時事南征借北師再識燕山猶去  
矣初臨鴨水却還為 朝廷若問前頭路恐

彼當關虎豹遲

時有見阻之慮

既下亭上使金知事子昂送酒疊韻

同

江上春生些子兒過江歸定草離離自知燭  
武無能老安望色胥乞得師上客壓行緣事  
重同僚隨換豈人為一樽美酒沾相送吟下

高樓悔不遲

漫賦

初長晷景似嬌兒客著江州忘亂離酒遣懷  
時成益友詩逢興處有餘師偷生非計狂久  
玩乞救失便徵幸為去國吾殊古人道緣何  
卒歲又遲遲

書事

世運那由染齒兒逢人處處說流離歸無故  
宅甘行旅念得亡書似瞽師塞上春風連日  
惡江干曉雪斷雲為不妨更待餘寒盡如要

兵來無乃遲

謝大學士尹海平示詩文

乍窺渾似眩童兒徐覺詞高意不離辟易千  
夫誰並馬從容一鼓返全師句供陶寫天然  
出文護流傳獨苦為肯借連編得卒業令人  
不復恨行遲

仍乞大學士贈詩

暫留握棗止啼兒爭似真貽珮陸離未有刀  
圭沾妙劑徒將擁腫過醫師賦詩非必亂世  
具排悶故多前輩為衡下斯文終不喪寵成

猶可起衰遲

戲贈同行韓正郎景洪二首

未用新詩付雪兒  
憐君寫出字森離  
社陵癖在功非聖  
張旭顛全飲亦師  
千里同遊今再遇  
暫時若失不相為  
年來古絕又豪放  
併取聲名休恠遲

世有重輕鷄鶩兒  
論君書法故分離  
吾於文字亦遭厄  
但信古人能得師  
白雪歌成數曲了  
青天紙放一張為  
暮年相對時平後  
身外功名遮莫遲

統軍亭感懷

問誰扶我下樓兒  
頭黑當時倒接離  
此日再來垂楚泣  
惟期西去乞秦師  
中原界即地形盡  
一道江應天塹為  
獨奈鯨鯢出海橫  
皇靈浩蕩戮至今  
遲

鴨綠江

傷心欲問大堤兒  
樂事今無慰遠離  
白雪覆冰聯細馬  
挑花生浪信篙師  
且憐舉眼中邊了  
還學回腸八九為  
抱奏西歸猶未達  
征南敢恠羽書遲

夢殤女二首

歲除前曉夢殤兒五歲生今二歲離學語嬉  
遊惟悅孝尋書念說不勤師從知善惡由天  
得孰管賢愚入地為眉目分明俄已去龍鍾  
枕上淚乾遲

人情鍾愛晚生兒避寇舟中膝不離提挈擬  
將隨尹府語言翻已下巫師埋香慘絕他鄉  
寄入夢依然昔日為及我江干知汝意江西  
千里得通遲

料理除夕示景洪

衰從壯得壯從兒此理如環故不離臘盡莫  
愁仍道路春來相伴向京師如良夜何想同  
也中聖人否聊一為臘飲直連春日醉何須  
計較曉鐘遲

擬製 迎祥詩二首

東皇青蓋小車兒旭日明冰度陸離善繼天  
心木德王爭鳴氣化為官師潛從蟄戶知無  
恙稍向農家示有為最是震方湯林地消除  
氛惡未應遲

再見文王四乳兒天教保合豈仍離毋庸秋

令干春令各職風師與雨師不復夷心啓無  
厭終然帝力果何為臣歌元月第一日日  
常同舒以遲

謝奉金府尹守伯除夕在話

擁到高軒執燭兒應憐歲去又人離三杯命  
酒偕之道一語評詩亦足師清濁聖賢無間  
矣弛張文武不偏為相知已自十年早此夕  
如何恨得遲

再奉府尹此偶効歌頌毋以諛視亦有  
助發意思之道云

理大州心撫小兒兵荒父子免相離防閑但  
設誰能盜約束誠懸可以師牒許如雲多益  
辨襟懷盡日寂無為一言靜勝嘗全晉斯道

雖同効獨遲

僕守南兩州皆以靜勝名堂

留別分戶曹閔察判兩言二首

交情不必自童兒客况今同了亂離兵食入  
談慚國士歲時無酒等禪師登程獨怕餘寒  
在句簿應便嫩日為去住皆緣 玉事急從  
教百口怨淹遲  
慣聽邊音雜漢兒却因留滯惜違離傷心征



戰殘暮年不分江山可畫師倘續無衣楚使  
返應動足食漢臣為扶危會有天公在吾輩  
區區計早遲

高嶺

搏土初如逞戲兒白雲根石不多離嶺頭幾  
暑吹笙子泉上應過卓錫師李愿誰爭隱居  
所劉郎何用去來為千年却感夸父事景疾  
路迷於此遲

青石嶺

嶺逢青石怯驢兒看是坏潭踏覺離補缺天  
餘寧有種學成山別恥相師雪遮故忌瑤難  
似泉浸堪憐硯可為礪此作碑鐫作冊平東  
准擬著悠遲

到遼東景洪誦鄭松江公所為華表柱  
古風要余和走筆次韻

十年三過華表柱遼鶴不見遼天青借問當  
時化鶴人何為於此難為情浮生滿百無一  
有况乃千年尋死生纍纍之塚慘盈目盡是  
鄉人少渠了了也學仙為逸死未必風骨宜  
玉局不然豈有數數然千年一歸故國城安

知真仙還地上不曾一字聞黃庭心了生死  
不與者直觀萬劫須臾經

往在辛巳行過廣寧得見汪秀才名照  
者為人端秀可愛余與韓景洪稱道不  
能忘上年天兵之東汪以策士從之  
余輩各以職事在他所不得見今年過  
此刮目以待一展值在山寺讀書又不  
得見也口占短絕書扇留館人贈之

春日雙峯寺汪生去讀書十三年再過不見  
意何如

重贈汪生亦留之而已二首疊前韻

冀方曾相驥之兒千里關心一合離有舌此  
來非說客無衣誰賦為興師似聞策士年前  
去端見書生分內為餘怒未平應逐我即今  
何恨晤言遲

壞儒志業是妻兒棲寺知君故自離耽向書  
中長對聖免從性外別求師古人可作欲誰  
與茲事吾衰能復為曾識盛年今及社振名  
當世未嫌遲

次韻賦箕子墓韓巡撫善曾於鄭松江

之過書其所為以示松江亦和之云二  
首

海外由來更有州天教斯道亦東流龜疇向  
也惟傳禹鯀域終然不識周已駕雲龍歸自  
靖空蹲石獸為誰愁詎無精爽憐兵火虛過  
頻年荔子秋

得詩吾已識荊州高論應將激未流非惜奴  
前不死紂即疑範後忍看周田猶有井推公  
志道得毋東替帝愁久我邦人無間矣惟憑  
丘墓禮春秋

豐潤宿郭氏第贈主人

愛君庭宇爽疑向畫圖親但得長無事那交  
一點塵酒好鵝兒熟書宜燕子春相留纔信  
宿堪愧道塗人

郭氏有甥視己子曰石如玉者端秀可  
愛別為贈

來過有道宅得與阿戎親豈貴冠徒玉端憐  
鑑未塵黃卷休眠晝紅裙莫醉春相聞當刮  
目從此責成人

玉河館和李白慈陽春賦次韻下

余來自東蓋千里以伴春一投空館春胡為  
舍余而宜人花上林之如期柳萬戶之皆新  
香闈兮服成振羅綺之輕鮮甲第兮茶行調  
色味於嫩泉市朝兮晚晴塵軟紅以和烟使  
余想兮不見朝復昏兮悄然緬夫三年楚氛  
多壘越吟草生縈骨燕巢無林念百口之阻  
飢靡膂力以遠心余心獨兮如流頭寧禁兮  
如雪春不顧兮誰語嘯歌多兮苦節矧有一  
人兮瀛海濱與天上而遙相因丐雷雨之再  
施憑余詞以若親奈何春官莫為之徹聞兮

無以慰矯首之義人

和悲清秋賦

紛四時兮若逝川乍湍激以流湲胡余當此  
春日悽忽感夫秋天若登山臨水送將歸兮  
况余去故國之四千于時日轉空館墻高易  
沒晨起瞻瓦疑霜是月時假寐而得夢渺關  
山之獨越邑無煙兮歲無秋問家室兮塗謬  
悠惡復在夫三韓是方文及瀛洲舉接目之  
如茲孰非秋使余憂歸去來兮帝鄉不可以  
懷此吾將歸骨於孤丘

雨後安州道中得遠接使柳公德純在  
嘉山寄來韻次和

時雨已應足宿雲朝自開田間犇白水路上  
絕炎埃動興知揮筆蠲愁阻把杯天心正兆  
悔莫作楚囚哀

百祥樓次德純公示韻

登臨不相共心境只應同草色連沙綠江流  
帶潦紅家亡輕作客世亂易成翁來往俱名  
役文章未必窮

龍岡次東軒韻錄奉洪承旨君瑞行史

二首

命嚴寧憚道塗恁梅臘行人及麥秋下國無  
兵湏北騎中原具粟要東舟本慚顛脫艱難  
際徒似歸來汗漫遊詩律也因排悶就未嫌  
前輩少分留

雨順風調定有秋農傷饑疫果誰優山松葉  
盡皮仍剥水稻苗沉莠獨浮物力何資戡國  
難天心未絕責人修如今豈許論思曠却恐  
無規但有酬

託廬郡守傳詩柳遠接之行

馬上詩頻改人西寄轉難丁寧盧郡守聞問  
及龍灣

東還來傳聞男評事罷免得歸而至今  
不得其信書於是有作二首疊前韻下並

吾家四壁享金兒不祝榮華怕別離遊宦偶  
然仍佐帥免懷曾未許從師大人避地三年  
矣老子朝天萬里為即汝得歸間已幸團  
圓何日慰乖遲  
萬里行回不見兒因人間已北門離兵荒未

保尋溫墅雨潦無期聚洛師念裏千金得無  
恙便中一字豈難為年來骨肉傷懷抱亂世  
生孫莫恨遲

感事

帝玉從古避胡兒寧有回 鑾尚忝離宿卒  
三年聞笛老無人六月渡江師飛書羽檄殊  
未已抱奏血詞何所為造物如今益難料關  
津風雨得東遲

觀書有感

大將纔當召小兒經邦誰自傳巖離未令

主上聞誠意空奈先生誦出師子孝必期勞  
底豫醫忠寧畫病難為天公默默遲人車莫  
謂天公悔禍遲

殷栗次東樓韻二首

憶曾來往為鄰州重到如今近世秋亂後人  
煙無太半依然山色滿東樓

環擁名山第幾州松葦柏粒最宜秋定堪服  
食休梁肉合著詩仙不下樓

松禾次尹伯升先生韻

干戈之後州間踈饑疫幾人猶且居荒野少

看青穉稗廢池安用紅芙蓉我從萬里歸來  
日公亦三年漂泊餘邂逅風流兩泯泯無心  
相借一言譽

簡易文集卷之六





